

欽定四庫全書薈要

史部
編年類

吉林出版集團有限公司
海天出版社

目次

書名	卷次	頁次	作者
資治通鑒	卷二五七—卷二九四	一六四—一	宋・司馬光撰 元・胡三省音注
卷二五七 唐紀七三 僖宗		一六四—一	
卷二五八 唐紀七四 昭宗		一六四—二三	
卷二五九 唐紀七五 昭宗		一六四—四五	
卷二六〇 唐紀七六 昭宗		一六四—六八	
卷二六一 唐紀七七 昭宗		一六四—八八	
卷二六二 唐紀七八 昭宗		一六四—一〇六	
卷二六三 唐紀七九 昭宗		一六四—一二八	

書名	卷次	頁次	作者
卷二六四		一六四—一四八	
唐紀八〇			昭宗
卷二六五		一六四—一六六	
唐紀八一			昭宗 昭宣帝
卷二六六		一六四—一八五	
后梁紀一			太祖
卷二六七		一六四—二〇六	
后梁紀二			太祖
卷二六八		一六四—二二八	
后梁紀三			太祖 均王
卷二六九		一六四—二五〇	
后梁紀四			均王
卷二七〇		一六四—二七二	
后梁紀五			均王
卷二七一		一六四—二九二	
后梁紀六			均王
卷二七二		一六四—三一〇	
后唐紀一			莊宗

書名	卷次	頁次	作者
卷二七三 后唐紀二 莊宗		一六四—三二九	
卷二七四 后唐紀三 莊宗 明宗		一六四—三四九	
卷二七五 后唐紀四 明宗		一六四—三六八	
卷二七六 后唐紀五 明宗		一六四—三八七	
卷二七七 后唐紀六 明宗		一六四—四〇四	
卷二七八 后唐紀七 明宗 潞王		一六四—四二五	
卷二七九 后唐紀八 潞王		一六四—四四一	
卷二八〇 后晉紀一 高祖		一六四—四六二	
卷二八一 后晉紀二 高祖		一六四—四八〇	

書名	卷次	頁次	作者
卷二八二 后晉紀三 高祖 卷二八三 后晉紀四 高祖 齊王 卷二八四 后晉紀五 齊王 卷二八五 后晉紀六 齊王 卷二八六 后漢紀一 高祖 卷二八七 后漢紀二 高祖 卷二八八 后漢紀三 高祖 隱帝 卷二八九 后漢紀四 隱帝 卷二九〇 后周紀一 太祖		一六四—四九七 一六四—五一九 一六四—五三七 一六四—五五五 一六四—五七三 一六四—五九二 一六四—六〇九 一六四—六二七 一六四—六四六	

書名	卷次	頁次	作者
卷二九一 后周紀二 太祖 卷二九二 后周紀三 太祖 世宗 卷二九三 后周紀四 世宗 卷二九四 后周紀五 世宗		一六四—六六五 一六四—六八四 一六四—七〇二 一六四—七二〇	

欽定四庫全書薈要

史部

資治通鑑卷二百五十七

詳校官編修臣汪鏞

欽定四庫全書薈要卷七千二百四十三

史部

資治通鑑卷二百五十七 宋 司馬光 撰

胡三省 音註

唐紀七十三 起僖宗協洽四月盡著雍涖離凡一年有奇

僖宗惠聖恭定孝皇帝下之下

光啟三年夏四月甲辰朔約逐蘇州刺史張雄 吳越

備史四月六合鎮將徐約攻陷蘇州約曹州人也初從黃巢攻天長遂歸高駢駢用為六合鎮將浙西周寶子婿楊茂實為蘇州刺史約攻破之遂有其地據實錄寶以其婿為蘇州刺史朝廷已除趙戴代之張雄據蘇州

欽定四庫全書

資治通鑑卷二百五十七

必在載後備史恐誤今從新紀傳 帥其眾逃入海 此句上更有一雄字文意乃足張雄據蘇

州見上卷上年帥讀曰率 高駢聞秦宗權將寇淮南遣左廂都知

兵馬使畢師鐸將百騎屯高郵時呂用之有事宿將多

為所誅師鐸自以黃巢降將常自危 畢師鐸降高駢見二百五十三卷乾

符六年師鐸將以下皆即亮翻 師鐸有美妾用之欲見之師鐸不許用

之因師鐸出竊往見之師鐸慙怒出其妾由是有隙師

鐸將如高郵用之待之加厚師鐸益疑懼謂禍在旦夕

師鐸子娶高郵鎮遏使張神劒女師鐸密與之謀神劒

以為無是事神劔名雄人以其善用劔故謂之神劔

異曰十國紀年張雄淮南人善劔號張神劔今欲別於前蘇州刺史張雄故從妖亂志但稱神劔時府

中籍籍亦以為師鐸且受誅漢書事籍籍如此顏師古注云籍籍紛紛也其

母使人語之曰設有是事汝自努力前去勿以老母弱

子為累語牛居翻師鐸疑未決會駢子四十三郎者素

惡用之惡烏路翻欲使師鐸帥外鎮將吏疏用之罪惡聞於

其父帥讀密使人給之曰用之比來頗敗令公比毗至

裏王煊加駢中書令故稱令公給徒亥翻欲因此相圖已有委曲在張尚書

欽定四庫全書 資治通鑒 卷二百五十七所當時機密文書謂之宜脩之師鐸問神劔曰昨夜使

司有文書使司謂淮南節度使司翁胡不言之為翁以婚姻呼神劔不寤

曰無之師鐸不自安歸營謀於腹心皆勸師鐸起兵誅

用之師鐸曰用之數年以來人怨鬼怒安知天不假手

於我誅之耶淮寧軍使鄭漢章我鄉人按新書高駢傳駢置淮寧軍於

淮口畢師鐸鄭漢章皆宛句人昔歸順時副將也謂去黃巢時也素切齒

於用之聞吾謀必喜乃夜與百騎潛詣漢章漢章大喜

悉發鎮兵及驅居民合千餘人從師鐸至高郵師鐸詰

張神劔以所得委曲語極吉翻神劔驚曰無有師鐸聲色浸

厲神劔奮曰公何見事之暗用之姦惡天地所不容况

近者重賂權貴得嶺南節度復不行事見上卷上或云

謀竊據此土使其得志吾輩豈能握刀頭事此妖物邪

要以此數賊以謝淮海何必多言呂古瓦翻為貢漢章

喜遂命取酒割臂血漉酒共飲之乙巳眾推師鐸為行

營使為文告天地移書淮南境內言誅用之及張守一

諸葛殷之意以漢章為行營副使神劔為都指揮使神

劔以師鐸成敗未可知請以所部留高郵曰一則為公

聲援二則供給糧餉師鐸不悅漢章曰張尚書謀亦善

苟終始同心事捷之日于女玉帛相與共之今日豈可

復相違復扶又翻師鐸乃許之戊申師鐸漢章發高郵庚戌

調騎以白高駢自高郵東南至揚州一百里呂用之匿之

朱珍至淄青旬日應募者萬餘人又襲青州獲馬千

匹時王敬武鎮淄青朱珍以他鎮之將來募兵既不能制又為所襲蓋羣盜縱橫力強者勝莫適為主故也

辛亥還至大梁朱全忠喜曰吾事濟矣時蔡人方寇汴

州其將張晔屯北郊秦賢屯板橋北郊謂汴州城北郊

舊史板橋在汴州城西各有衆數萬列三十六寨連延二十餘里

全忠謂諸將曰彼蓄銳休兵方來擊我未知朱珍之至

謂吾兵少畏怯自守而已宜出其不意先擊之乃自引

兵攻秦賢寨士卒踴躍爭先賢不為備連拔四寨斬萬

餘級蔡人大驚以為神全忠又使牙將新野郭言募兵

於河陽陝虢得萬餘人而還陝失典翻還從宣翻又如字畢師鐸

兵奄至廣陵城下城中驚擾壬子呂用之引麾下勁兵

欽定四庫全書資治通鑑卷二百五十七

誘以重賞出城力戰誘音西師鐸兵少却用之始得斷橋

塞門為守備是日駢登延和閣斷丁管翻塞悉則翻延和閣駢所起見二百五

十四卷中聞誼譟聲左右以師鐸之變告駢驚急召用

之詰之用之徐對曰師鐸之衆思歸為門衛所遏適已

隨宜區處處昌呂翻計尋退散儻或不已止煩玄女一力士

耳願令公勿憂駢曰近者覺君之妄多矣君善為之勿

使吾為周侍中周侍中謂周寶也事見上卷本年言畢慘沮久之用之

慙據而退據亦慙也音遽師鐸退屯山光寺山光寺在廣陵城北

城堅兵多甚有悔色癸丑遣其屬孫約與其子詣宣州

乞師於觀察使秦彥且許以克城之日迎彥為帥帥所類翻

會師鐸館客畢慕顏自城中逃出言衆心離散用之憂

窘若堅守之不日當潰師鐸乃悅是日未明駢召用之

問以事本末用之始以實對駢曰吾不欲復出兵相攻

復扶君可選一溫信大將溫柔和也信誠實不妄言者也以我手札諭

之若其未從當別處分處昌呂翻按書及春秋分器記曲禮分無求多漢書分職分部

並音扶問翻則處分之分亦當用之退念諸將皆仇敵

同音今人讀為分判之分誤也欽定四庫全書資治通鑑卷二百五十七

必不利於己甲寅遣所部討擊副使許戡齋駢委曲委曲

即駢手札也及用之誓狀并酒殺出勞師鐸勞力到翻師鐸始亦

望駢舊將勞問得以具陳用之姦惡披泄積憤披開也分也決

泄為見戡至大罵曰梁纘韓問何在乃使此穢物來戡

未及發言已牽出斬之乙卯師鐸射書入城射而用之亦翻

不發即焚之丁巳用之以甲士百人入見駢於延和閣

下駢大驚匿於寢室久而後出曰節度使所居無故以

兵入欲反邪命左右驅出用之大懼出子城南門舉策

指之曰吾不可復入此復扶又翻自是高吕始判矣是夜駢

召其從子前左金吾衛將軍傑密議軍事戊午署傑都

牢城使泣而勉之以親信五百人給之用之命諸將大

索城中丁壯素山客翻無問朝士書生悉以白刃驅縛登城

令分立城上自旦至暮不得休息又恐其與外寇通數

易其地數所角翻家人餉之莫知所在由是城中人亦恨師

鐸入城之晚也駢遣大將石鵠鵠逆各翻以師鐸幼子及其

母書并駢委曲至揚子諭師鐸師鐸遽遣其子還曰令

欽定四庫全書

資治通鑒 卷二百五十七

六

公但斬吕張以示師鐸師鐸不敢負恩願以妻子為質

質音致駢恐用之屠其家收師鐸母妻子置使院使院節度使司

官屬治事之所辛酉秦彥遣其將秦稠將兵三千至揚子助師

鐸壬戌宣州軍攻南門不克癸亥又攻羅城東南隅城

幾陷者數四幾居依翻甲子羅城西南隅守者焚戰格以應

師鐸戰格列木為之漢人謂之託格今謂之排柵師鐸毀其城以內其衆用

之帥其衆千人力戰於三橋北帥請曰率師鐸垂敗會高傑

以牢城兵自子城出欲擒用之以授師鐸用之乃開參

佐門北走駢召梁繼以昭義軍百餘人保子城乙丑師

鐸縱兵大掠駢不得已命徹備與師鐸相見於延和閣

下交拜如賓主之儀署師鐸節度副使行軍司馬仍承

制加左僕射鄭漢章等各遷官有差左莫邪都虞候申

及本徐州健將高駢置左右莫邪都見二入見駢說之

曰說式內翻師鐸逆黨不多請令公及此選元從三十人此及

言及此時也從十用翻夜自教場門出比師鐸覺之追不及矣必此

利翻及也然後發諸鎮兵還取府城此轉禍為福也若一二

欽定四庫全書

資治通鑒 卷二百五十七

七

日事定浸恐艱難及亦不得在左右矣言之且泣駢猶

豫不聽楚靈王有言大福不再祇取辱耳及恐語泄遂

竄匿會張雄至東塘張雄棄蘇州逃入海又自海沂江而上至揚州東塘及往歸

之內寅師鐸果分兵守諸門搜捕用之親黨悉誅之師

鐸入居使院秦稠以宣軍千人分守使宅及諸倉庫疏使

丁卯駢牒請解所任以師鐸兼判府事師鐸遣孫約

至宣城趣秦彥過江趣讀曰促或說師鐸曰說式內翻僕射擢者

舉兵蓋以用之輩姦邪暴橫孟翻高令公坐自聾聵不

能區理區分別也故順眾心為一方去害去羗今用之

既敗軍府廓然僕射宜復奉高公而佐之但總其兵權

以號令誰敢不服用之乃淮南一叛將耳移書所在立

可梟擒如此外有推奉之名內得兼并之實雖朝廷聞

之亦無虧臣節使高公聰明必知內愧如其不悛悛丑

也乃機上肉耳奈何以此功業付之他人豈惟受制於

人終恐自相魚肉前日秦稠先守倉庫其相疑已可見

且秦司空為節度使廬州壽州其首為之下乎廬州楊

欽定四庫全書賈治通鑑卷二百五十七

州張僕見戰攻之端未有窮已豈惟淮南之人肝腦塗

地竊恐僕射功名成敗未可知也不若及今亟止秦司

空亞紀力勿使過江彼若粗識安危必不敢輕進粗生

就使他日責我以負約猶不失為高氏忠臣也師鐸大

以為不然明日以告鄭漢章漢章曰此智士也散求之

其人畏禍竟不復出復扶戊辰駢遷家出居南第師鐸

以甲士百人為衛其實囚之也是日宣軍以所求未獲

焚進奉兩樓數十間寶貨悉為煨燼新書高駢傳駢自

乾符以來貢獻不

入天子寶貨山積於進奉樓按駢乾符末始自浙西從

淮南中和二年罷兵權利權貢獻始絕矣煨烏回翻燼

故復遷駢於東第復扶自城陷諸軍大掠不已至是

師鐸始以先鋒使唐宏為靜街使禁止之駢先為鹽鐵

使乾符六年駢為鹽鐵轉積年不貢奉貨財在揚州者

填委如山駢作郊天御樓六軍立仗儀服郊天及御樓

及大殿元會內署行幸供張器用皆刻鏤金玉蟠龍

感鳳數十萬事悉為亂兵所掠歸於閭閻張陳寢處其

中供居用翻張知亮翻張陳庚午獲諸葛殷杖殺之棄

尸道旁怨家挾其目斷其舌挾於決翻斷都眾以瓦石

投之須臾成冢呂用之之敗也其黨鄭杞首歸師鐸師

鐸署杞知海陵監事海陵監杞至海陵陰記高霸得

失聞於師鐸高霸時為海霸獲其書杖杞背斷手足刳

目截舌然後斬之蔡將盧瑋屯于萬勝萬勝鎮在

汴水而軍以絕汴州運路薛史梁紀曰盧瑋於圃田北

亦曰萬勝寨朱全忠乘霧襲之掩殺殆盡考異曰薛

在圃田北

賈治通鑑卷二百五十七

云四月庚午按長歷四月甲辰朔無庚午薛史誤

於是蔡兵皆徙就張旺屯於赤岡赤岡在汴城北全忠復就擊之殺二萬餘人蔡人大懼或

軍中自相驚全忠乃還大梁養兵休士 辛未高駢密

以金遺守者駢守者恩之因以求出遣唯李嗣畢師鐸聞之士午復迎

駢入道院道院高駢所起以迎神仙收高氏子弟甥姪十餘人同幽

之前蘇州刺史張雄帥其衆自海沂江屯於東塘遣

其將趙暉入據上元張雄馮弘鐸由此得據昇州帥讀曰率畢師鐸之

攻廣陵也呂用之詐為高駢牒署廬州刺史楊行密行

欽定四庫全書

資治通鑒 卷二百五十七

十

軍司馬追兵入援廬江人袁襲說行密曰高公昏惑用

之姦邪師鐸悖逆凶德參會三者合集為參會說式芮翻而求兵於

我此天以淮南授明公也趣赴之趣讀曰促行密乃悉發廬

州兵復借兵於和州刺史孫端復扶又翻 亂志中和三年高駢差

梁繼知和州嚴以孫端窺伺和州已久不如因而與之以責其効駢強之既行果為端所敗及歸和州尋陷於

端蓋端自是合數千人赴之五月至天長鄭漢章之從

師鐸也留其妻守淮口用之帥衆攻之帥讀曰率旬日不克

漢章引兵救之用之聞行密至天長引兵歸之為用之為行密

所誅 丙子朱全忠出擊張旺大敗之秦宗權聞之自張本

鄭州引精兵會之宗權引兵會 旺以擊全忠張神劍求貸於畢師

鐸師鐸報以俟秦司空之命神劍怒亦以其衆歸楊行

密及海陵鎮遏使高霸曲溪人劉金盱貽人賈令威悉

以其衆屬焉泗州盱眙縣西南十里有曲溪劉金曲溪也行密衆至萬七

千人張神劍運高郵糧以給之 朱全忠求救於兗鄆

朱瑄朱瑾皆引兵赴之義成軍亦至二年朱全忠并義成軍徵其兵以擊

蔡辛巳全忠以四鎮兵攻秦宗權於邊孝村大破之邊孝村在

欽定四庫全書

資治通鑒 卷二百五十七

十一

村在汴 州北郊斬首二萬餘級宗權宵遁全忠追之至陽武橋

而還陽武橋在鄭州陽武縣縣在汴州西北九十里還從宜翻又如字全忠深德朱瑄

凡事之蔡人之守東都河陽許汝懷鄭陝號者聞宗權

敗皆棄去宗權發鄭州孫儒發河陽皆屠滅其人焚其

廬舍而去宗權之勢自是稍衰朝廷以扈駕都頭楊守

宗知許州事朱全忠以其將孫從益知鄭州事 錢鏐

遣東安都將杜稜浙江都將阮結靜江都將成及將兵

討薛朗九域志杭州新城縣有東安鎮浙江靜江二都蓋分屯杭州城外松江一帶自定山下至海門

討薛朗以其
逐周寶也
甲午秦彥將宣歙兵三萬餘人乘竹筏

沿江而下趙暉邀擊於上元殺溺殆半歙書涉翻丙申彥入

廣陵自稱權知淮南節度使仍以畢師鐸為行軍司馬

補池州刺史趙鏐為宣歙觀察使鏐戶戊戌楊行密帥

諸軍抵廣陵城下為八寨以守之帥讀曰秦彥閉城自

守考異曰妖亂志六月癸卯朔秦彥命鄭漢章等守

諸門按寇至城下即應城守豈有戊戌行密至癸卯

始守城乎今不取六月戊申天威都頭楊守立天威亦神策

一與鳳翔節度使李昌符爭道麾下相歐歐烏口帝命

中使諭之不止是夕宿衛皆嚴兵為備己酉昌符擁兵

燒行宮庚戌復攻大安門復扶守立與昌符戰於通衢

昌符兵敗帥麾下走保隴州九域志鳳翔西至杜讓能

聞難挺身步入侍韋昭度質其家於軍中難乃旦翻誓

誅反賊故軍士力戰而勝之守立復恭之假子也壬子

以扈駕都將武定節度使李茂貞李茂貞時領為隴州

招討使以討昌符 甲寅河中牙將常行儒殺節度使

王重榮重榮用法嚴末年尤甚行儒嘗被罰恥之被皮義翻

欽定四庫全書
資治通鑑
卷二百五十七

遂作亂夜攻府舍重榮逃於別墅聖承與翻明旦行儒得而

殺之制以陝號節度使王重盈為護國節度使又以重

盈子珙權知陝號留後珙居重盈至河中執行儒殺之

舊書帝紀云常行儒殺王重榮勇翻戊午秦彥遣畢師鐸

秦稠將兵八千出城西擊楊行密稠敗死士卒死者什

七八城中乏食樵採路絕宣州軍始食人宣州軍秦彥兵也

壬戌亳州將謝殷逐其刺史宋衮 孫儒既去河陽李

罕之召張全義於澤州去年孫儒陷河陽張全義據懷

州李罕之據澤州以拒之蓋懷

州通近河陽全義尋退屯澤州也舊書帝紀云李與之

罕之自澤州收河陽懷州刺史張全義收洛陽

收合餘衆罕之據河陽全義據東都共求援於河東李

克用以其將安金俊為澤州刺史將騎助之考異曰

錄七月癸巳澤州刺史張全義棄城而遁太祖以安金

俊為澤州刺史按實錄六月全義已除河南尹薛史罕之

為澤州刺史按實錄六月全義已除河南尹薛史罕之

傳罕之求援克用遣澤州刺史安金俊助之蓋二人先

以澤州略克表罕之為河陽節度使全義為河南尹考異曰

經黃巢之亂遺民聚為三城以相保繼以秦宗權孫儒

殘暴僅存壞垣而已全義初至白骨蔽地荆棘彌望居

民不滿百戶全義麾下纔百餘人相與保中州城

之中間故謂四野俱無耕者全義乃於麾下選十八人

材器可任者人給一旗一膀謂之屯將亮翻使詣十八

縣故墟落中植旗張榜招懷流散勸之樹藝河南二十

陽二縣在城中其外僱師輩歐氏陽城登封陸渾伊闕

新安澠池福昌長水永寧壽安密河清潁陽伊陽王屋

凡十惟殺人者死餘但笞杖而已無嚴刑無租稅民歸

之者如市又選壯者教之戰陣以禦寇盜陳請數年之

後都城坊曲漸復舊制諸縣戶口率皆歸復桑麻蔚然

野無曠土音耕不耕之土其勝兵者勝音大縣至七

千人小縣不減二千人乃奏置令佐以治之治面全義

明察人不能欺而為政寬簡出見田疇美者輒下馬與

僚佐共觀之召田主勞以酒食到翻有蠶麥善收者蠶

伏無病而成繭麥就實或親至其家悉呼出免幼賜以

茶綠衣物民問言張公不喜聲伎喜許記翻見之未嘗

笑獨見佳麥良繭則笑耳有田荒穢者則集眾杖之或

訴以乏人牛乃召其鄰里責之曰彼誠乏人牛何不助

之眾皆謝乃釋之由是鄰里有無相助故比屋皆有蓄

積比毗至翻凶年不饑遂成富庶焉史究言張全義

杜稜等敗薛朗將李君晁于陽羨陽羨漢古縣晉立義

興郡隋廢郡改陽羨為義興縣唐武德七年分義興置

陽羨縣尋省併入義興九域志義興縣在常州西南百

里二十秋七月癸未淮南將吳苗帥其徒八千人踰城

降楊行密帥請八月壬寅朔李茂貞奏隴州刺史薛

知籌以城降斬李昌符滅其族中和元年李昌言逐鄭

朱全忠引兵過亳州遣其將霍存襲謝殷斬之是年

謝殷殺刺史據亳州丙子以李茂貞同平章事充鳳翔節度使

為李茂貞以此以韋昭度守太保兼侍中朱全忠

欲兼充鄆而以朱瑄兄弟有功於己朱瑄兄弟救攻之

無名乃誣瑄招誘宣武軍士移書誚讓瑄復書不遜考

異曰編遺錄八月丙午鄆指揮使朱珍以諸軍將士日

有逃還者初未曉其端今乃知為鄆帥朱瑄因前年與

我師會合討伐蔡冠瞻將士馳勇潛有窺覷之心密於

之且不平是事因移文追索亡者朱瑄來言不遜上益怒其欺罔乃議舉兵伐之新傳全忠與朱瑄情好為密而內忌其雄且所據皆勁兵地欲遠怨乃圖之即聲言瑄納亡命移書讓瑄以新有恩於全忠故容懷惠望全忠猶是顯結其隙高若拙後史補曰梁太祖皇帝到梁園深有大志然兵力不足常欲外掠又虞四境之難每有鬱然之狀時有為敬秀才於門下乃白梁祖曰明公方欲圖大事輕重必為四境所侵但令麾下將士詐為叛者而逃即明公奏於主上及告四鄰以自叛叛徒為名梁祖曰天降奇人以佐於吾初從其謀一出而致聚十倍蓋期為溫畫策詐令全忠遣其將朱珍葛從周軍士叛歸瑄以為豐端也

襲曹州壬子拔之殺刺史丘弘禮又攻濮州與兗鄆兵

戰於劉橋劉橋在曹州乘氏縣東北濮州范縣西南按薛史戰於臨濮之劉橋殺數萬人

欽定四庫全書

資治通鑑卷二百五十七

十六

朱瑄朱瑾僅以身免全忠與兗鄆始有隙秦彥以張

雄兵彊莫得其用以僕射告身授雄以尚書告身三通

授裨將馮弘鐸等

此等告身蓋高駢為諸道都統時朝廷所給空名告身也廣陵人

競以珠玉金繒詣雄軍買食

易音茂以物通犀帶一得

米五升

通犀帶通大犀帶也陸佃埤雅曰犀形似水牛大腹庠脚即有三蹄黑色三角一在頂上一在

額上一在鼻上鼻上即食角也小而不捕亦有一角者舊說犀之通天者惡影常飲濁水重露露之夜不濡其裏白星微端世云犀望星而微角即此也可以破水

駭難又犀之美者有光故難見影而驚其次角理復有

正插倒插正插者角腰以上通倒插者角腰以下通亦曰尖花小而根花大謂之倒插犀亦絕愛其角墮角即

自理之王樂遊海賦曰犀犀代角巨象解齒是也交州記曰犀有二角鼻上角長額上角短或曰三角者水犀也二角者山犀也在頂者謂之頂犀在鼻者謂之鼻犀犀有四輩其文或如桑椹或如狗鼻若上點犀無文螺犀文旋特犀文細

戰未幾復助楊行密

扶下翻下同

丁卯彥悉出城中兵

萬二千人遣畢師鐸鄭漢章將之陳於城西延袤數里

楊行密軍於揚子蓋並廣陵之西山軍勢甚盛行密安

卧帳中曰賊近告我牙將李宗禮曰眾寡不敵宜堅壁

自守徐圖還師李濤起曰吾以順討逆何論眾寡大軍

欽定四庫全書

資治通鑑卷二百五十七

十六

至此去將安歸濤願將所部為前鋒保為公破之

翻濤趙州人也行密乃積金帛楚米於一寨

楚音年小麥也使

羸弱守之多伏精兵於其旁自將千餘人衝其陳兵始

交行密陽不勝而走廣陵兵追之入空寨爭取金帛楚

米伏兵四起廣陵眾亂行密縱兵擊之俘斬殆盡積尸

十里溝瀆皆滿師鐸漢章單騎僅免自是秦彥不復言

出師矣九月以戶部侍郎判度支張濬為兵部侍郎

同平章事高駢在道院秦彥供給甚薄左右無食至

然木像煮革帶食之有相啗者彥與畢師鐸出師屢敗

疑駢為厭勝厭於涉翻又於珠翻外圍益急恐駢黨有為內應者

有妖尼王奉仙言於彥曰揚州分野極災分扶問翻必有一

大人死自此喜矣甲戌命其將劉匡時投駢并其子弟

甥姪無少長皆死同坎瘞之瘞於計翻乙亥楊行密聞之帥

士卒縞素向城大哭三日帥請曰率朱珍攻濮州朱瑄遣

弟罕將步騎萬人救之辛卯朱全忠逆擊罕於范范漢縣唐

屬濮州九域志擒斬之冬十月秦彥遣鄭漢章將步

在州東六十里欽定四庫全書 卷二百五十七 資治通鑒 十六

騎五千出擊張神劍高霸寨破之神劍奔高郵霸奔海

陵張神劍高霸各奔歸舊地之地丁未朱珍拔濮州刺史朱裕奔鄆

珍進兵攻鄆九域志濮州東至鄆州一百八十里瑄使裕詐遺珍書遺唯考翻

約為內應珍夜引兵赴之瑄開門納汴軍閉而殺之死

者數千人汴軍乃退瑄乘勝復取曹州復扶又翻以其屬郭

詞為刺史甲寅立皇子陞為益王杜稜等拔常州

丁從實奔海陵光啟二年六月丁從實取常州至是而敗考異曰實錄五月錄攻常州丁從

實投高霸吳越備文在十月新錢鏐奉周寶歸杭州屬

橐鞬具部將禮郊迎之杭州本鎮海廬屬故鏐以部將禮迎寶屬音之欲翻橐音羔鞬

其言楊行密圍廣陵且半年秦彥畢師鐸大小數十

戰多不利城中無食米斗直錢五十緡草根木實皆盡

以堇泥為餅食之堇居隱翻堇泥黏土也餓死者大半宣軍掠人

詣肆賣之驅縛屠割如羊豕訖無一聲積骸流血滿於

坊市彥師鐸無如之何嘖威而已嘖為威外圍益急

彥師鐸憂懣殆無生意懣音闕相對抱膝終日悄然悄七小反

詩曰憂行密亦以城久不下欲引還欲引還已已夜大

心悄悄欽定四庫全書 卷二百五十七 資治通鑒 十九

風雨呂用之部將張審威帥麾下士三百晨伏於西壕

帥讀曰侯守者易代潛登城啟闕納其衆守者皆不關

而潰先是彥師鐸信重尼奉仙雖戰陳日時賞罰輕重

皆取決焉先悉薦翻陳讀曰陣至是復咨於奉仙曰何以取濟復扶

又奉仙曰走為上策乃自開化門出奔東塘行密帥諸

軍合萬五千人入城以梁繼不盡節於高氏為秦畢用

斬於戟門之外唐設戟之制廟社宮殿之門二十有四東宮之門一十有一品之門一十六二

品及京兆河南太原尹大都督大都護之門十四三品及上郡督中郡督上郡護上州之門十二下郡督下郡